

Son ar patatez

Komzoù : P-M Mevel - Ton : S. Noblet

- 1- Diwar-benn ar chistr melen, 'zo bet savet sonioù
Diwar-benn gwin ha chouchenn, dour sklaer ar feunteunioù
Poent sevel e gwirionez, tra la la la leno
Poent sevel e gwirionez, ur son d'ar patatez

*Dikan : 'N o c'hroc'hen pe diblusket, patatez 'blij din-me !
Poazhet en dour pe fritet, patatez 'blij din-me !
Gant silzig pa vez pure, patatez 'blij din-me !
Gant kig-sal pa vent krignet, patatez 'blij din-me !*

- 2- Diwar-benn ar garantez, vez kanet kalz sonioù
Ar boan hag al levez, a lak er c'halonoù
Poent ober ur son nevez, tra la la la leno
Poent ober ur son nevez, 'n enor d'ar patatez

- 3- An holl dud, bras ha bihan, a oar son ar c'hafe
Ar c'hafe ken ker bremañ, ma ever chikore !
Poent eta ur son ivez, tra la la la leno
Poent eta ur son ivez, evit ar patatez

- 4- Kanañ ra 'r yaouankizoù sonioù politikel
Diwar bep seurt kudennoù, an dispac'h, ar brezel
Gwelloc'h 'vefe alies, tra la la la leno
Gwelloc'h 'vefe alies, meuliñ ar patatez

- 5- An aval-douar santel vez hadet, gounezet
War zouaroù Breizh-Izel gant poan ar beizanted
Meulomp 'ta ar patatez, tra la la la leno
Meulomp 'ta ar patatez, da reiñ nerzh ha buhez

- 6- Alies e tisoñjer poanioù start ar beizant
Neuze rank mont en koler ha diskenn d'an emgann
Goulennomp tout asambles, tra la la la leno
Goulennomp tout asambles, priz vat d'ar patatez